



21.  
DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS  
manè discutienda in Scholis Medicorum die Jovis vigesima-tertia  
Februarii M. DCC. XLI.

M. CLAUDIO DUCERF,  
Doctore Medico, Præside.

*An Panis satietas omnium Pessima.*

I.



INSITUS calor, animæ in suis functionibus obeundis præcipuus *administer*, suum quia carpit assiduò pabulum, novam subindè requirit fucci auxiliaris accessionem, quâ jugis virium triplicisque quâ constamus substantiæ jactura refarciatur: huic alitrix facultas incumbit muneri auctrice ac procreatrice præstantior, indefinenti scilicet à primo ad extremum usque vitæ spiritum actione, quâ operam utrique nunquam non confert suam, conve-

Λ

nientemque ambabus materiam neutrius egena suppeditat. Id ut commodius fiat, institus est à naturâ stomacho penuriæ sensus, cujus beneficio sagax ille annonæ præfectus cibos aliquâ nobiscum communione conjunctos appetit, trahit, asservat & coquit. At illi ita primùm elaborati, tum in variis quas postmodum permeant partibus varias alterationes multiplicisque cōstitutionum gradus adepti, oppositas exuunt qualitates, suamque ipsam ponunt, ut alendi corporis naturam induant, ad vitam nimirum, quæ nutritione servatur, tum individui tum speciei ratione tuendam.

## I I.

**A**LIMENTUM omne vel cibus est vel potus. Utrumque in plantis aut animalibus reperire est, alibi nusquam. Verum inter ea quæ è vegetabilibus eruuntur *προσαρματα* primas tenet triticum, ex quo Panis conficitur ciborum omnium *πολυχρησιμωτατος*. Ille mensas omnes aperit, comitatur, exornat & claudit; ut vix definias an majoris sit necessitatis an dignitatis. Dapibus omnibus gratiam salubritatemque conciliat. Suaves ori acceptæque ventriculo, illius permixtione, novo condiuntur suavitatis incremento: salsa, acres, acida, aut amara, depositâ magnâ molesti sui saporis parte, palato magis arident: prorsus ut nullæ absque ipso, cum ipso sapiant omnes. Eum etsi quotidie ingeramus, toto tamen vitæ decursu semper appetimus ejusque nec tædet nos unquam nec pœnit. Omni omnino ætati, regioni, utrique sexui familiaris; nulli non temperiei, etiam leniter febricitantibus conveniens, & mediæ sortis homines alit, & promiscuè subit pauperum tabernas, regumque turres. Quin & eo penè uno dura firmantur messorum & agriculturalum ilia. Illius impunè carere nemo sanus potest. In morbum inclinantibus ejus appetentia postrema dejicitur; convalescentibus prima revocatur: & cum fastidium omne pravam sit, Panis *ἀνοσμία* omnium deterior habenda est.

## I I I.

**C**EREALIUМ omnium ut in conficiendo Pane rarior est & insalubrior usus; sic tritici frequentior atque salubrior. Illud maturum, mundumque, fractu contumax, substantiâ densum, pondere grave, aureum colore, lucidum specie, tres ante menses in pingui solo demessam, tandemque molis eritum genuinam nobis Panis optimi materiam exhibet. Hujus variæ species pro substantiæ diversitate varioque præparationis modo multum à se invicem discrepant. Omnibus longe antecellit siligineus, qui repurgatiore farinâ constans, plurimum purissimumque corpori tribuit alimentum. Huic tum bonitate tum nutritionis copiâ cedit similaceus ex purâ quidem farinâ sed magis excelsâ constans. Tertium obinet locum *ἀντοπιος*, seu *ευρημης* qui ex totâ farinâ nusquam à fursure secretâ concinnatus, parcius quidem alit sed blandè alvum movet. Gregarius demum seu sordidus, farinæ tantillam, fursuris plurimum continens, agrè coquitur, parum nutrit, & nimîâ excrementorum mole naturam gravat. Porro aquâ limpidissimâ maceratus, fermentoque recenti persusus, non cerevisiæ spumâ adulteratus *ιουπιτιος* est. Modico sale aspersus, lexior. Assusâ subinde novâ farinâ subactus, ac pluries indefesso labore huc illeque versatus *Ευναδωτος*. In clibano coctis æquabiliter igne

moderato tam internis quam externis partibus; nec assatur aut amarescit; nec suo lentore ventrem inflat obstruitque viscera. Crustæ quæ siccior est, cum medullâ quæ humidior, fida est admodum salubrisque societas.

#### I V.

**P**ARATUS eâ cautione Panis eduliorum omnium salubritate princeps est. Ad amissum quippè temperatus, nascentes ab interperie morbos procreare nequit. Alimenti plurimum ejusque firmissimè continens, minimum reponit excrementi. Coctu facilis coquenti ventriculo nihil faceffit negotii. *wardentes* procreandis, unde morborum origo frequentior, obstructionibus minus est accommodatus. A fermento quippè & sale tritici visciditas frangitur, superfluous absorbitur humor, terrenarumque partium crassities inciditur, unde non mediocri illi levitas conciliatur. His verò si accedat diuturnior ac cocturæ max pastæ subagatio, vix est quod amplius ad Panis bonitatem possit desiderari. Illius enim ope, fermenti, salis, & aquæ substantia & vires altius & intimas quasque pervadunt pastæ particulas; ut inde disrupto glutine, solutilis, oculatus, & concoctu facilis evadat, & citò ad singulas corporis partes diffundatur. Inanis tamen futurus est omnis panificii labor, ni cibani moderatus ignis singulas ex æquo intus forisque partes ad debitum coctio- nis modum perducat. Impar longe est atque inferior subcineritii focarique Panis conditio, cujus extima plerumque superficies adurit, crudioribus interim, & nullam aut certè leviozem ignis energiam expertis, quæ medullam constituunt, partibus.

#### V.

**C**IBORUM genus omne tanto à Panis laudabili temperie recedit, quanto calidius humidiusque est ac corruptioni opportunum. Terrestrum animalium caro, fecunda cæspitantis in ventriculo colluviei parens, oris fortorem, excrementorum *dundlav* insignem parit, putridis malignisque febribus & gravissimis viscerum inflammationibus materiam præbet. Vix autem in *υπικαναιτων* numerum pisces referas, qui in aquâ inertis ac sterili elemento nati, pituitæ plurimum, parùm suggerunt sanguinis, & prostratas vires excrementis obruant magis quam, alibili succo reficiunt. Indomitæ propter crassitiem indolis legumina stomachum gravant, oculorum ac mentis aciem obtundunt, flatu multos gignunt, spiritus exagitant, crurum imbecillitatem, ac tandem *cachexiam* inducunt, olerum substantia difficilis coctionis, dum impuritate plurimâ primam corporis regionem infarcit, paucissimo alimento reliquum corpus sustentat. Omnis pene fructus aut humiditate distuluit immodicâ quæ fugacem succum suppeditat, aut duritie carnis agrè subigitur. Quæ tandem tam indigna homine censetur vini satietas, quam noxia valetudini, quam insensa visceribus, quæ hebetudinem animi, tremorem, *Paralyssim*, hydropem, ac sensim non intellectam senectutem festinatamque mortem accersit. Sed quantum à vitiosis alimentis hilce omnibus Panis naturæ dissidet qui *υμπατος* ac remisso admodum calore pollens exarefcit potius pitores servandus in annos, quam corruptionem subeat, & metuendos à nimio carniū usu morbos procreet. Levitate & varietate suâ leguminum crassi-

4  
tici adversatur. Suâ *iniquitate*, à contumaci olerum cruditate alienus est. At suâ  
puritate singulari, ab excrementiciâ fructuum substantia recedit plurimùm.  
Humorem denique primi genium, quem depascitur ebrietas, non modo non  
absūmit, sed facillimè ac liberaliter instaurat, diuque saluum & incolumem  
tuetur.

*Non ergò Paris sarietas omnium pessima.*

Proponebat Parisiis PETRUS LALOUETTE, Parisinus,  
Baccalaureus Medicus. A. R. S. H. 1741, à sextâ ad meridiem.